



27.06.2024

Malittarisassani allannguutigineqartut nassuiaataat

Malittarisassani paragrafit tulleriaarlugit allannguutaasut ataani nassuiarneqarput. Nassuiaatit tungujortumik allasimapput. Issuarneqartullu kipungasumik allanneqarlutik.

§1 Kattuffik siunertaalu

Oqaaseqatigiit:

"INUIT ATAQATIGIIT tassaavoq immikkoortortaqrifiit nuna tamakkerlugu aqqissuunneqarfiat."

Oqaaseqatigiit ilaneqarput:

"INUIT ATAQATIGIIT tassaavoq immikkoortortaqrifiit aqqissuussaanikkut ataqatigeeqarfinnik taajuuteqartut nuna tamakkerlugu aqqissuunneqarfiat."

Nassuiaat:

Oqaaseqatigiit "aqqissuussaanikkut ataqatigeeqarfinnik taajuuteqartut" ilanngunearpoq. Kattuffiup sulinerani immikkoortortaqrifiit ataatsimut isigalugit ataqatigeeqarfinnik taaneqartarput. Oqaaseq kattuffiup naleqartitaanik aallaavilik immikkoortortaqrifiit ataatsimut isigalugit taajuutigeqassasoq innersuunnearpoq.

§2 imm. nutaatut ikkunneqarpoq:

Oqaaseqatigiit malittarisassani atuuttuni:

"Inuk kinaluunniit Inuit Ataqtigiiit siunertaannut isumaqataasoq suleqataarusuttorlu najugarisami Inuit Ataqtigiiit immikkoortortaqrifiannut ilaasortannqorsinnaavoq."

Oqaaseqatigiit kingullit peerneqarput imaalissalluni:

"Inuk kinaluunniit Inuit Ataqtigiiit siunertaannut isumaqataasoq suleqataarusuttorlu ilaasortannqorsinnaavoq."

Nassuiaat:

§2 imm. 2-mi allannguuteqarnerata malitsigisaanik immikkoortortaqrifimmi kommunerisami ilaasortaanissaq allannguutigineqarmat oqaaseqatigiit peerneqassasoq innersuussutigineqarpoq.

Imm. 2.

Oqaaseqatigiit:

"Imm. 2. Tapersersuisutut ilaasortannqortoqarsinnaavoq najugarisami Inuit Ataqtigiiit immikkoortortaqrifiat aqutigalugu."

INUIT ATAQATIGIIT

Imaneq 2, 3900 Nuuk – Box 321

Oqarasuaat: 32 37 02

www.ia.gl

www.facebook.com/ataqtigiiit

Oqaaseqatigiit allanngortinneqarput:

"Imm. 2. Tapersersuisoq anguniakkanullu suleqataarusuttoq ilaasortanngortoqarsinnaavoq kommunerisami Inuit Ataqtigiit immikkoortorta qarfiat aqutigalugu."

Nassuiaat:

Ilaasortaaarusuttoq kinaluunniit najugarisami immikkoortorta qarfimmu ilaasortaa sinnaajuaannarpoq, najugarisalli ilai immikkoortorta qarfeqarneq ajorput, imm. 2 pilersinneratigut kommuneminni immikkoortorta qarfiusumut ilaasortanngorsinnaalissapput.

Imm. 3.

Oqaaseqatigiit:

"Imm. 3: Ilaasortaanermut akiliutit immikkoortorta qarfiit nammineq aalajangersartassavaat."

Oqaaseqatigiit allanngortinneqarput:

"Imm. 3. Ilaasotat immikkoortorta qarfimmu ilaasortaanermut akiliuteqartassapput. Ilaasortaanermut akilut immikkoortorta qarfiit ukiumoortumik ataatsimeersuarnerminni aalajangersartassavaat."

Nassuiaat:

Ilaasortaanermut sumut akiliuteqartussaannerup saniatugut ersarissarneqarpoq immikkoortorta qarfiit ataatsimeersuarnerini akiliutissap aannertussaa aalajangerneqartassasoq.

Imm.4. nutaatut ikkunneqarpoq:

"Imm.4. Inuit Ataqtigiit qiningaattut suleqataalernerminni kommunemut allamut nuuttariaqalertoqarsimappat immikkoortorta qarfik ilaasortaaffigisaq ilaasortaaffigineqaannarsinnaavoq."

Nassuiaat:

Kattuffimmi qinikkat matumani naalakkersuisunut ilaasortat naalakkersuisunut ilaasortaanertik tunngavingalugu kommunemut allamut nuuttariaqartarput. Taakkua qineqqusaartut allat assingalugit immikkoortorta qarfiup akuerisaanik qineqqusaarsinnaalersarput, imm. 4-ip ilanngunneqarneratigut aggerfimminni immikkoortorta qarfimmu ilaasortaaginnarnissaat periarfissaalissaaq.

Imm.5. nutaatut ikkunneqarpoq:

"Imm. 5. Partiimi allami naalakkersuinikkut suleqataagaanni imaluunniit qinersinerni Inuit Ataqtigiit qinigassanngortitaasa avataani qinigassanngortikkaanni Inuit Ataqtigiinni ilaasortaneq ingerlaannartumik atorunnaassaaq."

Nassuiaat:

Kattuffiup misilittagaqarfigilersimavaa ullormiit ullormut partiimut allamut nuuttoqartarnera. Imm. 5. -ip pilersinneratigut, kattuffik malittarisassatigut ersarissumik, politikikkut sulianaqatigiiffimmu allamut nuuttoqartillugu pisinnaatitaaffinnik ingerlaannartumik atorunnaarsitsisinnalissaaq.

Imm 6. nutaatut ikkunneqarpoq:

"Imm.6. Nuna allami najugaqaraanni immikkoortorta qarfimmu nammineq toqqakkamut ilaasortaasoqarsinnaavoq. Nunami allami najugaqartoq immikkoortorta qarfimmu aalajangersimasumut ilaasortaaniarani aalajangeruni Kattuffimmu ilaasortaanermut akiliuteqartassaaq."

Nassuiaat:

Kattuffik nunatta avataanit tapersersoqarteqartarpoq. Taakkulu akiliutaat kattuffiup kontoanut nakkartarput. Taamatut tapersersuisoqartarnerata periarfissaanera malittarisassatigut ersersinneqassasq innersuusutigineqarpoq.

§.3 Ilaasortaaneq – pisinnaatitaaffiit pisussaaffiillu

Imm. 3. taarserpaa malittarisassani atuuttuni imm. 4:

"Imm. 4: Ilaasorta qinaluunniit akiliutiminik akiliisartoq pisinnaatitaaffeqarpoq immikkoortortaqrarfiup siulersuisuisa akuerisaanik tamat oqartussaaqataanerata tunngavigalugu aalajangiisartuinut tamanut qineqqusaarnissamut kiisalu Kattuffiup siulersuisuisa akuerisaanik Inatsisartunut aammalu Folketingimut qineqqusaarnissamut."

Imm. 3 imaalissalluni:

"Imm. 3. Ilaasorta qinaluunniit ilaasortaaneermut akiliisartoq pisinnaatitaaffeqarpoq immikkoortortaqrarfiup siulersuisuisa akuerisaannik tamat oqartussaaqataanerata tunngavigalugu aalajangiisartunut tamanut qineqqusaarnissamut kiisalu Kattuffiup siulersuisuisa akuerisaanik naalackersuinikkut qiningaaffinnut, Nunaqarfinni aqutsisunut , kommunalbestyresenut, Inatsisartunut aammalu Folketingimut qineqqusaarnissamut."

Nassuiaat:

Oqaaseqatigiit ilannguneqarput:

"..naalackersuinikkut qiningaaffinnut Nunaqarfinni aqutsisunut, kommunalbestyresenut Inatsisartunut aammalu Folketingimut qineqqusaarnissamut."

Matumani Nunaqarfinni aqutsisut kommunalbestyresellu ilanngunneqarlutik.

Imm.4 oqaaseqatigiit:

"Imm. 4. Ilaasortaaneermut akiliut qaammatit pingasut sinnerlugit akilerneqarsimangippat, Kattuffiup iluani pisinnaatitaaffinnut aammalu tamat oqartussaaqataanerata tunngavigalugu aalajangiisartunut tamanut Inuit Ataqtigiit sinnerlugit qiningassanngortitsisinnaaneq atorunnaassapput. Pisinnaatitaaffiit atuutleqqissaput akiligassaq tamakkiisumik akilerneqarpat."

Taarserpaa malittarisassani maanna atuuttuni imm. 5.:

"Imm. 5: Ilaasortaaneermut akiliut ukiup affaa qaangerlugu akilerneqarsimangippat tamanna ilaasortaajunnaarnertut naatsorsuutigineqartassaaq nalunaarutigineqartassallunilu Inuit Ataqtigiit Kattuffiata allaffianut."

Nassuiaat:

Malittarisassani immikkoortuni ilaasortat pisinnaatitaaffii aammalu pisussaaffiisa tunngasut nutaartaqarput ilaallu ersarissarneqarsimallutik. Matumani ilaasortaaneermut pisinnaatitaaffiit ersarissaavigineqarneqassasut siulersuisuunerit isumaqarput. Matumani isiginiarneqarpoq ilaasortat partiskat-imut akiliinngitsoorlutik akiligassaqartarnerisa minnerpaaffiatisinniarnissaat. Tamanna partiimi aningaasaqarnikkut aqutsinermi isertitassanut naatsorsuutit tamakkiisumik isertinneqartassasut siulersuisuunerit isumaqarput.

Imm. 5. Nutaatut ikkunneqarpoq:

" Imm.5. Inuit Ataqtigiit immikkoortortaqrarfia siulersuisuunernut qinnuteqarneratigut, Siulersuisuunerit Inuit Ataqtigiit sinnerlugit qineqqusaarnissamut peqataasinnaatitaaneermik aajangangiissapput §3 imm. 4 naapertorlugu naalackersuinikkut qinersinernut qinigassanngortinniartoq qaammatini pingasuni akiliisimangippat."

Nassuiaat:

Imm. 5 nutaatut ikkunneqarpoq.

Kattuffiup misilittagaqarfigaa ullormiit ullormut ilaasortanngorlutik qineqqusasarnissamik nalunaartut. Kattuffiup soqutigaa qineqqusaartussat immikkoortorta qarfinni suleqataassasut, taamammallu malittarisassani killiliussaqaarnikkut siunissami qineqqusaarumaartussanut ersarsississaaq malittarisassatigut immikkoortorta qarfimmi suleqataanissap qanoq pingaaruteqartigineranik, taassumalu peqatigisaanik kattuffiup aaqiissuussaasumik suliaqarfiuneranik ersersitsissalluni.

Imm. 7. Nutaatut ikkunneqarpoq:

"Imm.7. Ilaasorta qinikkatut pisussaaffilik kattuffiup tunngaviusumik siunnerfiinut malittarisassaanullu ataqqinnissaaq. Qinikkatut pisussaaffiusut naammaginartumik naammassinneqanngippata siulersuisuunerit 2/3-iisa aalajangiineratigut ilaasortaajunnaarsitsisinnaapput."

Nassuiaat:

Kattuffik misilittagaqarpoq ilaasortaajunnaarsitsinermik. Siulersuisuunerit sulianut ataasiakkaanut aammalu inunnut ataasiakkaanut tunngasunut aalajangiisariaqalersillugu malittarisassatigut amingaataasarsimavoq siulersuisuunerit namminneerlutik iliuuseqarsinnaannerat. §3 imm. 6 aqqutingalugu immikkoortorta qarfiit kattuffimmut aalajangiisussanngortinneqartarput, imm. 7-ip eqqunneqarneratigut siulersuisuunerit immikkoortorta qarfiit utaqqinngikkaluarlugit aalajangiissinnaanngussapput.

§ 4 Immikkoortorta qarfiit

Imm. 3.-mi oqaaseqatigiinnut ilanngunneqarpoq:

"Imm. 3. "...namminnerlu suleriesissartik aalajangerssartassavaat"

Nassuiaat:

Immikkoortorta qarfiit assigiinngitsunik sulerieseqartarput, tamannalu malittarisassatigut ersarissarneqarluni.

Imm.3-mi oqaaseqatigiit kingullersaat peerneqarpoq:

"Malittarisassanut allannguutit Kattuffiup siulersuisuunerinit akuerineqartasapput."

Nassuiaat:

Oqaasertaq peerneqarpoq, pisariaqarnerpaatut nalilerneqanngilaq immikkoortorta qarfiit malittarisassaat siulersuisuunernit akuerieqaqqaartariaqarnerat. Allattoqarfik malittarisassanik tamanut atorneqarsinnaasunik piareersimatitaqartareerpoq saaffigineqartillunilu siunnersuisarluni.

Imm. 4

Malittarisassani atuuttuni §1 imm. 4-mi ima allassimasoq:

"Kattuffiup inuusuttai INUUSUTTUT ATAQATIGIIT nuna tamakkerlugu ataatsimeersuarneranni akuerineqartunik namminerisaminnik malittarisassa qarput."

Maanna §4 imm. 4-itut ikkunneqarpoq:

Imm. 4. Kattuffiup inuusuttai Inuusuttut Ataqtigiit nuna tamakkerlugu ataatsimeersuarnermi akuerineqartunik namminerisaminnik malittarisassa qarput, Siulersuisuunernilu marlunnik

ilaasortaatitaqarlutik. Inuusuttut Ataqtigiit malittarisassaas kattuffiup anguniangaanut malittarisassaanullu naapertuuttuussapput.

Nassuiaat:

Inuusutuut Ataqtigiinnut tunngasoq §4 Immikkoortortaqaarfiit paragrafianut ilissallugu tulluarnerusorineqarpoq. Taassuma saniatigut siulersuisuunernut ilaasortaatitaqarnissaas ersarissarneqarluni.

Imm.5 ersarissarneqarpoq:

"Imm.5. Inuit Ataqtigiit tunuliaqutaralugit qinikkatut inissisimaffeqartut tamarmik najugarisaminni kommuunerisaminnulluunnit immikkoortortaqaarfimmut attaveqartuarnissamut suleqataanissamullu pisussaaffeqarput."

Oqaaseeqatigiit ilanngunneqartoq

"...najugarisaminni kommuunerisaminnulluunnit immikkoortortaqaarfimmut asuleqataanissamullu pisussaaffeqarput."

Nassuiaat:

Immikkoortortaqaarfiit piunerat kattuffiunitsinnut tunngaviuvoq, pissusissamisoortutut isigineqarpoq qinikkatut inissisimasut immikkoortortaqaarfinnut suleqataasarnerat. Imm. 5.-ip ersarinnerulersinneratigut immikkoortortaqaarfinnut qinikkat pisussaaffeqarnerat ersarissarneqarpoq.

§5 Kattuffik, Siulersuisuunerit aamma Ulluinnarni Aqutsisut

INUIT ATAQTIGIIT tassaavoq partiip immikkoortortaqaarfiisa nuna tamakkerlugu naalackersuinikkut pissutsit pillugit aaqqissuunneqarfiat. Kattuffik ukiut pingasukkuutaarlugit nuna tamakkerlugu ataatsimeersuartarpoq.

Oqaasertaq:

"naalackersuinikkut pissutsit pillugit aaqqissuunneqarfiat."

Nassuiaat:

Kattuffik immikkoortortaqaarfiit aaqqissuussaannikkut kattuffigaat. Kattuffiup naalackersuinikkut siuttuutitaqarnermigut suliassaasa annertusisarnerat misilittagaqarfigineqarpoq. Kattuffik assigiinngitsunik suliaqarnermigut naalackersuinikkut pissutsitigut annertuumik suliaqartarpoq, tamannalu pissutingalugu naalackersuinikkut pissutsitigut aaqqissuussaannera ersarissarneqarpoq.

Imm. 2. Oqaaseeqatigiit:

"Imm.2. Nuna tamakkerlugu ataatsimeersuarnermi siulersuisuunertut qinerneqartut tassaapput ataatsimeersuarnermi aalajangersaanerit oqartussaassuseqarnerpaaffiusut tunngavingalugit tulliullitik oqartussaassuseqarnerpaasut. Siulersuisuunerit akisussaaffigaat ataatsimeersuarnermi aalajangiunneqartut piviusunngortinnissaannut aammalu politikkikkut aaqqissuussaannikkullu immikkoortortaqaarfiit qaninut suleqatigalugit ineriartortitsinissamut. Siulersuisuunerit kattuffiup allattoqarfiata aningaasaqarnikkut ingerlanneqarnera akisussaaffigaat."

Ilaneqarput:

"Imm. 2. Nuna tamakkerlugu ataatsimeersuarnermi siulersuisuunertut qinerneqartut tassaapput ataatsimeersuarnermi aalajangersaanerit oqartussaassuseqarnerpaaffiusut tunngavingalugit tulliullitik oqartussaassuseqarnerpaasut. Siulersuisuunerit immikkoortortaqaarfiit qanimut akisussaaffigaat naalackersuinikkut aammalu aaqqissuussaannikkut sulinerit suleqatigalugit

ineriartortinnissaat. Siulersuisuunerit kattuffiup allattoqarfiata aningaasaqarnikkut ingerlanneqarnera akisussaaffigaat."

Nassuiaat:

Ersarissarneqarpoq ataatsimeersuarneq kattuffiup aaqqiissuussaannikkut qullersarigaa, taakkunungalu tulliuullutik oqartussaanerpaatut tassaasut siulersuisuunerit. Ilassutigineqarportaaq siulersuisuunerit kattuffiup allattoqarfiata aningaasaqarnikkut ingerlanneqarneranut akisussasuusut, taakkuusarmata aningaasaqarnikkut missingersuusianik pilaarutinillu akuersusartuusut.

Imm.3. oqaaseqatigiit:

"Siulersuisuunerit sammisanut aalajangersimasunut suleqatigiissitanik suligasuartussanik pilersitsisinnaapput."

Nassuiaat:

Oqaasertaq ilanngunneqarpoq: *"sammisanut aalajangersimasunut"*

Siulersuisuunerit sulinerminni sammisanut aalajangersimasunut itisiliisumik sammineqartussatut nalilikkaminnik suligasuartunut pilersitsisinnaanerit ersarissarneqarpoq.

Imm.4.

"Imm. 4: Siulersuisuunerit ataatsimiittarneranni taaseqataasinnaangikkaluarlutik peqataasinnaatitaapput Naalakkersuisuni ilaasortaaitat, Inatsisartuni, Folketingimi ilaasortaaitat, kommunalbestyrelseni aamma nunaqarfinni aqutsisuni ilaasortat, KANUKOKA-p siulersuisuini ilaasortaaitat aammalu borgmesterit."

Allanngortinneqarpoq:

"Imm. 4. Siulersuisuunerit ataatsimiittarnerini, taaseqataasinnaanatik peqataasinnaatitaapput Naalakkersuisunut ilaasortaaitat, Inatsisartunut Folketingimullu ilaasortaaitat, kommunalbestyrelsinut aamma nunaqarfiit siulersuisuinut ilaasortaaitat kiisalu borgmesteriutitat. Siulersuisuunerni ilaasortaangitsut peqataasinnaatitaasut oqaaseqarsinnaatitaapput, taasisinnaatitaanatilli."

Nassuiaat:

Siulersuisuunerit ataatsimiinneranni naalakkersuinikkut qinigaatitat siulersuisuunerit ataatsimiinnerannut taaseqataaanatik peqataasinnatitaasut allassimavoq. Matumuuna ersarissarneqarpoq oqaaseqarsinnaatitaanerat. Taassuma saniatigut KANUKOKA atorunnaareermat peerneqarpoq.

Imm. 5. nutaatut ikkunneqarpoq:

"Imm. 5. Siulersuisuunerit ataatsimiinneranni politikkikkut sulianik paasissutissiinissamik saqqummeeqqullugit peqquneqarsinnaapput partiimi Naalakkersuinut ilaasortat, Inatsisartullu gruppiata siulittaasua, partiip borgmesteriutitai, kommunalbestyrelsemi gruppini siulittaasoq aamma Folketingimi ilaasortaq."

Nassuiaat:

Kattuffiup misilittagaqarfigaa naalakkersuinikkut annertuumik akisussaaffeqartoqartillugu akisussaasut siulersuisuunernut saqqumiisarnissaat pisariaqartartoq. Malittarisassatigullu ilanngusinnikkut tamanna aqutissiuunneqarpoq.

Imm.6. malittarisassani atuuttuni §5 imm.5:

"Imm. 5: Siulersuisuunerit ataatsimiittassapput Ulluinnarni Aqutsisut noqqaassutigigaangassuk, taamaattoq ukiumut ikinnerpaamik pingasoriarlutik, naapillutik imaluunniit oqarasuaatikkut

isiginnaarutikkulluunniit. Ataatsimiinnerni aalajangiunneqartut allattaavimmut allanneqartassapput immikkoortorta qarfinnullu ilisimatitsissutitut nassiunneqartassallutik sivisunerpaamik sapaatip akunnera ataaseq qaangiutsinnagu."

Allanngortinneqarpoq:

"Imm. 6. Siulersuisuunerit ataatsimiittassapput Ulluinnarni Aqutsisut noqqaassutigigaangassuk, taamaattoq ikinnerpaamik ukiumut pingasoriarlutik. Siulersuisuunerit ukiumut ataatsiarlutik kiinarsillutik naapittassapput, ataatsimiinnerillu taassuma saniatigut ingerlanneqartut oqarasuaatikkut isiginnaarutikkulluunniit ingerlanneqassapput. Ataatsimiinnerni aalajangiunneqartut allattaavimmut allanneqartassapput immikkoortorta qarfinnullu ilisimatitsissutitut nassiunneqartassallutik kingusinnerpaamik sapaatip akunnera ataaseq qaangiutsinnagu."

Nassuiaat:

Siulersuisuunerit ukiumut ataatsiarlutik kiinarsillutik ataatsimiittarnissaat allannguuteqarfigineqarpoq. Siulersuisuunerit aqutsisullu naliliinerisigut kiinarsilluni sulisarnissat pisariaqartinneqarpoq. Kattuffiup siuttoqarnermigut nukittunerunissaa siulersuisuunerit kissaatigaat, taamaammallu kiinarsilluni ataatsimiittarnissat innersuussutigineqarluni.

Imm. 7 malittarisassani atuuttuni §5 imm.6:

"Imm. 6: Ulluinnarni Aqutsisut ukuninnga ilaasortaqaassapput: Siulittaasoq, siulittaasup tullia naalakkersuinikkut oqaaseqartartoq, siulittaasup tullia aaqqissuussaannermut akisussaaffeqartoq, allatsi kiisalu aningaaserisoq. Ulluinnarni Aqutsisut ulluinnarni suleriaasertik nammineq aalajangersartassavaat, tamannalu pisassaaq nuna tamakkerlugu ataatsimeersuarnerup kingorna siulersuisuunerit inissitsiterillutik ataatsimeeqqaarneranni."

Allanngortinneqarpoq:

Imm.7. Ulluinnarni Aqutsisut ukuninnga ilaasortaqaassapput: Siulittaasoq, siulittaasup tullia naalakkersuinikkut pissutsinut akisussaasoq, siulittaasup tullia ataqatigiissaaarisoq, aningaaserisoq kiisalu siulersuisuunerniit ataaseq Ulluinnarni Aqutsisunut ilaasortaasusaaq ataatsimeersuarnermi qinerneqartoq.

Nassuiaat:

Siulersuisuunerit aaqqissuussaannerat allannguuteqartussaannerata ilutigisaanik ulluinnarni aqutsisuni inissaq ataaseq siulersuisuninngaanneersumik ataatsimeersuarnernermi qinerneqartussamik toqqaasoqassasoq innersuussutigineqarpoq.

Imm.8 nutaatut ikkunneqarpoq:

"Imm. 8 Ulluinnarni Aqutsisut ulluinnarni suleriaasertik nammineq aalajangersartassavaat."

Nassuiaat:

Ulluinnarni aqutsisut nammineq suleriaasissartik aalajangersartarpaat iluminnilu akisussaaffinnik agguataarisinnasarlutik. Allassimalersinnissaa siunertaralugu ilanngunneqarpoq.

Imm.9. malittarisassani atuuttuni §5 imm. 7:

Imm. 7: Ulluinnarni Aqutsisut kattuffiup aningaasaataasa pigisaasalu nalillit isumannaatsumik aqunneqarnerat akisussaaffigivaat, kiisalu kattuffiup ataatsimut sulinera nakkutigisassaralugu.

Allanngortinneqarpoq:

"Imm. 9. Ulluinnarni Aqutsisut kattuffiup aningaasaataasa pigisaasalu nalillit isumannaatsumik aqunneqarnissaat akisussaaffigaat, kiisalu kattuffiup ataatsimut sulinera immikkoortorta qarfiillu sulinerat nakkutigisassaralugu."

Nassuiaat:

Ersarissarneqarpoq ulluinnarni aqutsisut aamma immikkoortortaqrarfiit sulinerat nakkutigisarigaat. Kattuffiup sulinera ataatsimut isigissagaanni immikkoortortaqrarfiit sulinerat aamma pineqartussaasutut inatsisilerituumit nalilerneqarpoq.

§6 Kattuffiup allaffeqarfia

Oqaasertaq:

"Kattuffimmi allattaanerup allattoqarfimmi ulluinnarni suliassat aqutsinerlu akisussaaffigivai. Allattoqarfimmi sulisuusussat Ulluinnarni Aqutsisunit atorfinitsinneqarlutillu soraarsinneqartassapput."

Ima allanngortinneqarpoq:

"Kattuffiup allaffeqarfia suliassaqrarfinni tamani ataqatigiissaariffiusumik qullersaqarfittut allattoqarfivoq. Siulersuisuunerit Kattuffiup allattoqarfiata ingerlanneqarneranut akisussaasuupput. Siulersuisuunerit Kattuffimmi allattaanernertut atorfeqartussamik atorfinitsissapput."

Nassuiaat

Oqaaseqatigiit allanneqarneranni erseqqissarneqarpoq Kattuffiup allattoqarfia qullersaqarfittut pingaarnertut suliassai tassaasut ataqatigiissaarineq, Kattuffiullu allattoqarfiata ingerlanneqarneranut Siulersuisuunerit akisussaasusut. Ilanngunneqarputtaaq siulersuisuunerit allattaanermik atorfinitsissasut.

Imm. 2

"Imm. 2: Allattaaneq ukiumut marloriarluni ingerlatsineq pillugu nalunaarusiortassaaq, tamatumunnga ilaatinneqartassallutik naatsorsuutaagallartut oqaaseqaataallu. Ukiumoortumik naatsorsuutit siulersuisuunernut saqqummiunneqartassapput taakkunanngalu akuersissutigineqartassallutik."

Allanngortinneqarpoq:

"Imm.2. Kattuffimmi allattaanerup allattoqarfimmi ulluinnarni suliassat aqutsinerlu akisussaaffigai naalakkersuinikkullu kattuffiup anguniangaasa anguneqarnisaanut suleqataallunilu qulakkeerinneqataassaaq. Kattuffiup allattaanera siulittaasumut sullisissaaq, ulluinnarnilu aqutsisut suleqatigalugit allattoqarfimmi sulisunik atorfinitsisartuuvoq."

Nassuiaat:

Allattoqarfiup aqunneqarnerani allattaanerup akisussaaffii ersarissarneqarput. Allattaaneq malittarisassat naapertorlugit atorfinitsinermut ulluinnarni aqutsisut peqatigalugit suliaqarsinnaanngussaaq. Misilittagarilikkat tassaapput aqutsisut ingerlatsinermut tunngasutigut suliaqartarnerat, naak pisariaqatitaq tassaangaluartoq naalakkersuinikkut sulianut piffissap atornissaa. Immikkoortup matuma allanngortinneratigut naalakkersuinikkut aqutsinermut aqutsisut sulinerusinnaalissapput.

Allannguummi matumani allattaanerup siulittaasumik sulisitsisoqarnera ersarissarneqarpoq. Kattuffiup misilittagaqarfigaa naalakeersuisuutitaqartilluni partiit allat naligalugit naalakkersuisunut isumaqatiginninniartarneq, taamaattoqartillugu allattaanerup kattuffiup anguniagaanut suleqataanissaa pisariaqalersarmat allannguut innersuussutigineqarpoq.

Imm. 3. nutaatut ikkunneqarpoq

"Imm. 3. Allattoqarfiup qassinik sulisoqarnissaa Siulersuisuunerit aalajangersassavaat."

Nassuiaat:

§ 6-imi allaarniutaata allanngorneratigut oqaatsit atorfeqartitsineq soraarsitsinerlu taarserlugit siulersuisuunerit qanoq amerlatigisumik allattoqarfiup sulisoqarnissaa aalajangersartassavaat.

Siulersuisuunerit ukiumut pilersaarusioreertarput taamaammaat pilersaarusiornermi qanoq sulisoqassanersoq aamma aalajangerneqartarluni.

Imm. 4. Malittarisassani atuuttuni §6 imm. 2

"Allattaaneq ukiumut marloriarluni ingerlatsineq pillugu nalunaarusiortassaaq, tamatumunnga ilaatinneqartassallutik naatsorsuutaagallartut oqaaseqaataallu. Ukiumoortumik naatsorsuutit siulersuisuunernut saqqummiunneqartassapput taakkunanngalu akuersissutigineqartassallutik."

Allanngortinneqarpoq:

"Imm. 4. Kattuffiup allattaanera siulersuisuunernut ukiumut aningaasaqarnikkut naatsorsuutissatut missingiummik suliaqartassaaq, missingiullu naapertorlugu siulersuisuunerit anguniangaasa piviusunngortinneqarnissaannut ukiumoortunik pilersaarummik saqqummiussisassalluni. Kattuffiup allattaanera ukiumut marloriarluni aningaasaqarnikkut ingerlatsineq pillugu siulersuisuunernut nalunaarusiortassaaq, tamatumunnga ilaatinneqartassallutik aningaasaqarnikkut naatsorsuutaagallartut oqaaseqaataallu. Ukiumoortumik naatsorsuutit siulersuisuunernut saqqummiunneqartassapput taakkunanngalu akuersissutigineqartassallutik."

Nassuiaat:

Immikkoortup 4-ip qulakkiissavaa allattaaneq ukiumut ingerlatsinermut ukiumullu siulersuisuunerit sulinissaanut pilersaarummik siulersuisuunernut missingiummik saqqummiussitinneqartalernissaa. Manna tikillugu suliassaq tassaasimavoq ukiumut marloriarluni aqutsisut ingerlatsinerannut nalunaarusiorneq. Allannguinnikkut ulluinnarni aqutsisut siulersuisuunerillu naalakkersuinikkut suliaqarnerulersinneqassapput.

Imm. 5 . malittarisassani atuuttuni §6 imm. 3

"Imm. 3: Aningaasaqarnermut atatillugu uppernarsaasutut atsiorsinnaatitaapput siulittaasoq, aningaaserisoq aammalu kattuffimmi allattaaneq."

Allanngortinneqarpoq:

"Imm. 5. Aningaasaqarnermut atatillugu uppernarsaasutut atsiorsinnaatitaapput siulittaasoq aamma Kattuffiup allattaanera. Siulittaasoq pisinnaanngippat siulittaasup tullia naalakkersuinikkut pissutsinut akisussaasoq aamma aningaaserisoq aningaasaqarnermut atatillugu uppernarsaasutut kattuffiup allattaanera suleqatigalugu atsiorsinnaapput. Kattuffiup allattaanera pisinnaanngippat siulittaasoq aningaaserisoq suleqatigalugu aningaasaqarnermut atatillugu uppernarsaasutut atsiorsinnaatitaapput."

Nassuiaat:

Aningaasaqarnikkut ingerlatsinermut akuersisartut inuit marluusarnissaat qulakkeerniarlugu malittarisassaq ersarissarneqarpoq.

§7 Kattuffiup aningasalersorneqarnera

Oqaaseq:

" Kattuffiup naatsorsuutaasa ukioq ilivitsaq malissavaat. Naatsorsuutit suliarineqartassapput ukiup naanerata kinguninngua, kukkunersiorneqartassallutillu nuna tamakkerlugu ataatsimeersuarnermi naalagaaffimmit akuerisamik kukkunersiuissussatut qinerneqarsimasumit."

Allanngortinneqarpoq:

"Kattuffiup naatsorsuutaasa ukioq ilivitsaq malissavaat. Ukiup siulianut naatsorsuutit suliarineqarlutillu naammassineqartassapput kingusinnerpaamik junip 30-ni, kukkunersiorneqartassallutillu naalagaaffiup kukkunersiuissartutut akuerisimasaanit."

Nassuiaat:

Malittarisassat naapertuussarneqarput. Kattuffiup aningaasaqarnera annerpaartaa Inatsisartunut ilaasortaataitaqarneq naapertorlugu taperneqartarpoq. Tapiissutinillu pissagaanni kukkunersiuisunik naalagaaffimmit akuerisaasunit suliarineqartassasut piumasaqaataavoq. Nalunaarusiaq Inatsisartoqarfimmut juunip 30-ni tunniunneqareersimasarpoq. Siulersuisuunerit kukkunersiuisut naalagaaffimmit akuerisaasut nalunaarutaat tiguasarpaat suliaralugulu akuerisarlugulu. Taamammat ataatsimeersuarnerup avataatigut ukiut tamaasa pisareermat naleqqussarneqarpoq.

Imm. 2.

"Imm. 2: Immikkoortortaqaarfiit Kattuffimmut ilaasortaanerminnut, nuna tamakkerlugu ataatsimeersuarnermi aalajangiunneqartoq tunngavigalugu immikkoortortaqaarfiit inoqqortussuseq (sumiiffimmi innuttaasut amerlassusaat) tunngavigalugu akiliuteqartassapput imallu akiliuteqartassasut aalajangiunneqarpoq:"

Allanngortinneqarpoq:

!Imm.2. Immikkoortortaqaarfiit kattuffimmut ilaasortaanerminnut nuna tamakkerlugu ataatsimeersuarnermi aalajangiunneqartoq tunngavigalugu inuttussuseq (sumiiffimmi innuttaasut amerlassusaat) tunngavigalugu akiliuteqartassapput, imalu juulip 21-ni 2024-meersumik ukiumut akiliuteqartassasut aalajangiunneqarpoq:

INUTTUSSUSEQ	AKILIUTISSAQ KR.
0 – 300	200,00
301 – 1.000	750,00
1.001 – 2.000	1.000,00
2.001 – 4.000	2.000,00
4.001 – 10.000	2.500,00
10.001 – 15.000	3.500,00
15.001 >	4.500,00

Nassuiaat:

0-300 inuttussisilinni akiliut 50 koruunimik apparpoq

302-1.000 inuttussilinni akiliut 1000 kr.-imiit 750-imut apparpoq.

1.001.-2.000 inuttussilinni akiliut1500 koruunimiit 1000 kr.-imut apparpoq.

2.001- 4.000 inuttussilinni akiliut 2500 koruunimiit 2000 kr.-imut apparpoq.

4.000-10.000 inuttussilinni akiliut 3000 kr.-imiit 2500 kr.-imut apparpoq.

10.001-15.000 inuttussilinni akiliut 4000 kr.-imiit 3.500 koruunimut apparpoq.

15.005> inuttussisilinni akiliut 5000 kr.-imiit 4500 kr.-imut apparpoq.

Imm. 3 nutaatut ikkunneqarpoq:

"Imm.3. Kattuffimmi qinikkat qiningaaffiup aallartinnerani partiskattimut allattoqarfik suleqatigalugu akiliuteqartarnissamut isumaqatigiissuteqassapput. Qinikkat partiskattimut qaammammut akiliuteqartinneqassasut ataatsimeersuarnermi julip 21-ni 2024 ima aalajangiunneqarpoq:

QINIKKAT	AKILIUTISSAQ KR.
Naalackersuisunut ilaasortaq	2000.00
Inatsiasrtunut ilaasortaq	1000.00
Borgmesterit	2000.00
Kommunalbestyrelsemi ilaasortaq	200.00
Kommunalbestyrelsemi ataatsimiitaliani siulittaasut	400.00
Nunaqarfinni aqutsinut ilaasorat	50.00
Folketingimi ilaasortaq	2000.00

Nassuiaat

Kattuffik misilittagaqarpoq partiskattimut akiliisitsiniartarnerup ajornakkusoortaranik. Allattoqarfik partiskattimut akiliisitsiniartarnermut periusissiaqarpoq. Qinikkat partiskattimut akiliisussaataapput. Ukiuni arlalissuarni partiskattimut tamakkiisumik isertitassaasut anguneqartarsimangillat. Malittarisassat nutarterneranni pisussaffiit pisinnaatitaaffiillu sukannernerulerput malitsigisaanillu allattoqarfiup qinikkanik suleqatigineqarnissaa eqqunneqassasooq innersuussutigineqarpoq. Allanguutip matuma ilagissavaa malittarisassani akiliutip annertussussaa sumullu atorineqartussanera ilaalissammat. Taamasilluni akiliutit sumut atorineqartarneri ilaasortanut ersarinnerulissalluni.

Imm. 4. Nutaatut ikkunneqarpoq:

"Imm.4. Siulersuisuunerit ataatsimiinnermut peqataanermikkut ataatsimiinnermut ataatsimut aalajangersimasumik ataatsimiinnermusiaqartinneqartassapput. Ataatsimiinnermusiat aningaasarsianit b-nik akileraaruteqarnikkut tunniunneqassapput allattoqarfimmiillu Akileraaruseriffimmut nalunaarutigineqassallutik. Ataatsimiinnermusiat annertussusaat ataatsimeersuarnermi julip 21-ni 2024 ima aalajangerneqarpoq:

	KR-inngorlugit
<i>Siulersuisuunernut ilaasortaq</i>	<i>1500.00</i>

Nassuiaat:

Siulersuisuunerit isumaqarput siulersuisuunerni kajumissutsimik sulilluni pitsaangaluartoq piffissartorfiungaatsiartarpoq akisussaffimmiillu annertuumik akisussaaffeqartilluni siulersuisuunerni ilaasortaanermut ataatsimiinnermusiaqartitsisalernissaaq pisariaqartoq. Siulersuisuunerit qinikkatut inissisimangitsunik ilaqarput aammalu suliffimmik saniatigut sulisarlutik ilaatigullu ataatsimeeqataasarnert anaasaqaatigisinnaasarluunikkit. Taassuma saniatigut kattuffiup ingerlanneqarnera soqutiginaruullunilu tamatigoortuunissaa (proffesionalisering) siunertaralugu ataatsimiinnermusiaqartitsinissaaq innersuussutigineqarpoq.

§8 Ataatsimeersuarneq

Oqaaseqatigiinnik ilaneqarpoq:

"Nuna tamakkerlugu ataatsimeersuarneq tassaavoq Inuit Ataqtigiit naalackersuinikkut sulineranni tunngaviusumik siunissamilu anguniagassat suliniutissallu pillugit aalajangersaanermi oqartussaassuseqarnerpaaq, siulersuisuunernillu qinersiffiusartoq. Ataatsimeersuarneq ammasumik ingerlanneqassaaq atortorissaarutitigullu malinnaaffigineqarsinnaasassalluni."

Ilassutigaa:

"Ataatsimeersuarneq ammasumik ingerlanneqassaaq atortorissaarutitigullu malinnaaffigineqarsinnaasassalluni."

Nassuiaat:

Malittarisassaq ullutsinnut atortorissaarutitigut periarfissaasunut naleqqussarneqarpoq, ammasumik ingerlatsinermut naleqartitaqarneq taamatuttaarlu innuttaasunik malinnaatitsinissaq periarfissaalersinneqarluni.

Imm. 3 nutaatut ikkunneqarpoq:

"Imm. 3. Siulersuisuunerit oqaluuserisassanik matoqqasumik suliariaqartitsinissamut alaajangiisnaatitaapput."

Nassuiaat:

Tamanut ammasumik malinnaavigineqarsinnaasumillu ingerlatsisoqassasoq innersuunneqarmat malittarisassatigut periarfissalersinneqarpoq aalajangingassanut kattuffiup iluani taamaallaat ilisimasassanik matoqqasumik ataatsimiinermi aalajangiisoqarsinnaanera.

Imm. 4 malittarisassani atuuttuni §8 imm.4:

"Imm. 2: Immikkut ittumik nuna tamakkerlugu ataatsimeersuortoqarsinnaavoq immikkut ittunik pingaaruteqartunik oqaluuserisassaartoqartillugu, tamannalu pisinnaavoq siulersuisuunerit imaluunniit immikkoortorta qarfiit amerlanerussuteqartut piumasarippassuk.

Ataatsimeersuarneq ukiut pingasukkaarlugit ingerlanneqartarpoq aallaavigalugu nalinginnaasumik ataatsimeersuarneq kingulleq, taamaalilluni nalinginnaasumik ataatsimeersuarsimanerup ukiup pingajuata qaangiunnerani ingerlanneqassalluni naak piffissap iluani immikkut ittumik ataatsimeersuortoqarsimagaluartoq."

Allanngortinneqarpoq:

"Imm. 4 Ataatsimeersuarneq ukiut pingasukkuutaarlugit ingerlanneqartarpoq nalinginnaasumik ataatsimeersuarneq kingulleq aallaavigalugu, taamaalilluni nalinginnaasumik ataatsimeersuarnerup kingorna ukiut pingajussaanni ingerlanneqassalluni, aamma akornanni immikkut ittumik ataatsimeersuortoqarsimagaluarpat. Ataatsimeersuarnermi aalajangersimasumik qulequtaqarluni ataatsimeersuarneq aalajangiiffiusinnaavoq, tamanna pisinnaavoq immikkoortorta qarfiit siulersuisuunerninnillu siunnersuuteqartoqarneratigut."

Nassuiaat:

Allanguutigaa ataatsimeersuarnermi aalajangersimasumik qulequtaqarluni ataatsimeersuarneq ingelanneqarsinnaasoq. Periarfissaq tamanna atorlugu immikkoortorta qarfiit periarfissinneqartassapput ataatsimeersuarnissamut qulequttamik itisilikkamik oqallisissamik innersuussaqaarsinnaassapput.

Imm.5. Nutaatut ikkunneqarpoq:

"Imm. 5. Ataatsimeersuarneq immikkorluinnaq pisoqartillugu katersuulluni ingerlanneqarsinnaanngippat siulersuisuunerit aalajangersinnaapput ataatsimeersuarneq attaveqaatit suulluunniit atorlugit ingerlanneqassasoq."

Nassuiaat:

Kattuffiup misilittagaqarfigaa nappaatit tuniluuttut tunngavingalugit ataatsimeersiarneq aaqqissuunniarnerata ajornakkusoorsinnaanera. Coronamik tuniluuttoqarneratigut aaqqissuussiniarneq ajornarsimavoq, siunissamilu assigiusumik pisoqassappat malittarisassatigut periarfissaqarnissaq siulersuisuunerit innersuussutigaat.

Imm. 6. nutaatut ikkunneqarpoq:

"Imm. 6. Katersuulluni ataatsimeersuarneq ingerlanneqarsinnaanngippat ataatsimeersuarnermi attaveqaatit atorlugit aallartitanik taasisinnaatitaasunik siulersuisuunerit innersuussuteqassapput."

Nassuiaat:

Immikkorluinnaq pisoqartillugu ataatsimeersuarneq attaveqaatit atorlugit ingerlanneqartariaqalerpat aallartitanik taasisinnaatitaasunik siulersuisuunerit innersuussaqaartassasut innersuunneqarpoq.

Imm. 7. Nutaatut ikkunneqarpoq

"Imm. 7. Taaseqataasinnaasutut aallartitaq ataatsimeersuarnermi peqquteqartumik peqataasinnaangitsoq peqataasinnaanissaminulluunniit peqquteqarluni peqaasinnaajunnaarpat taaseqataanissamut periarfissinneqarsinnaavoq, peqataasinnaanginnini allakkatigut qinnuteqaammuni nassuiarpagu. Ataatsimeersuartut qinnuteqaat aalaangiivigissavaat. Taaseqataasinnaanermut periarfissiineq atuutissaaq qinersinerup nalaani attaveqaatitit atorlugit qinereqataanikkut."

Nassuiaat:

Kattuffiup misilittagaqarfigaa angallanneq peqqutingalugu ulloq ataatsimeersuarfimmi tikissinnaangitsoqartarnera, taakkulu taaseqataanissanut periarfissaqarnissaat periarfissiissutigineqarpoq. Ilaasortaqaartarpugut nappaammik eqqungaasunik, taakkuttaaq peqataasinnaanginnertik pissutigalugu taaseqataanissamut periarfissaqassasut innersuunneqarpoq. Peqquteqarluni peqataasinnaangitsoq Kattuffimmut allakkatigut taaseqaasinnaarusunnini qinnutigissavaa.

Imm .8. Malittarisassani atuuttuni §8 imm. 3:

"Imm. 3: Nuna tamakkerlugu ataatsimeersuarnermut taaseqataasinnaasutut aallartitat sinniisussallu kikkuussanersut immikkoortortaqaarfiit ataasiakkaat aalajangersartassavaat, taamaattoq immikkoortortaqaarfimmi ilaasortaanermt akiliummik qaammatit pingasut qaangerlugit akiliisimanngitsoq taaseqataasinnaasutut aallartitatut akuerineqarsinnaangilaq. Immikkoortortaqaarfiit tamarmik taaseqataasinnaasutut akuerisaasumik ataatsimik aallartitaqarsinnaapput."

Allanngortinneqarpoq:

"Imm. 8. Nuna tamakkerlugu ataatsimeersuarnermut taaseqataasinnaasutut aallartitat sinniisussallu kikkuussanersut immikkoortortaqaarfiit ataasiakkaat aalajangersartassavaat, taamaattoq immikkoortortaqaarfimmi ilaasortaanermt akiliummik qaammatit pingasut sinnerlugit akiliisimanngitsoq taaseqataasinnaalluni aallartitatut akuerineqarsinnaangilaq. Immikkoortortaqaarfiit tamarmik taaseqataasinnaasutut akuerisaasumik ataatsimik aallartitaqarsinnaapput. Najugarisami immikkoortortaqaarfik sinnerlugu immikkoortortaqaarfimmut qanitariinnut kattunneqarsimasunut ilaasortaasoq ataatsimeersuarnermi taaseqataasinnaasumik ataatsimik aallartitaqarsinnaatitaavoq."

Nassuiaat:

Kattuffiup ilisimavaa immikkoortortaqaarfiit imminnut qanittut suleqatigiittoqartarat. Tamanna pitsaasuvoq, suleqatigiittoqarnerunissaanulli aporfiusartaq tassaavoq ataatsimeersuarnermut aallartitap ataasusarnera. Siulersuisuunerit isumaqarput qanitariinni suleqatigiiffiusuni sumiiffiit tamarmik ataatsimeersuarnermut taaseqataasinnaasunik aallartitaqassasut.

Imm. 12. Malittarisassani atuuttuni §8 imm. 7.

"Imm. 7: Siulersuisuunernut, suleqatigiissitalianut suligasuartussanut il.il. qinersinerni arnat angutillu sapinngisamik amerlaqatigiit sassartarnissaat anguniarneqartassaaq."

Allanngortinneqarpoq:

"Imm. 12. Siulersuisuunernut, suleqatigiissitalianut suligasuartussanut il.il. qinersinerni arnat angutillu sapinngisamik amerlaqatigiit sassartarnissaat anguniarneqartassaaq. Ulluinnarni aqutsisunittaaq sapinngisanik arnat angutillu amerlaqatigiit ulluinnarni aqutsisusarnissaat anguniarneqartassalluni."

Nassuiaat:

Siulersuisuunernut sassartut arnat angutillu sapinngisamik amerlaqatigiittarnissaat anguniarneqartarpoq, allanguutiginiarneqarpoq tamatuma aamma ulluinnarni aqutsisuni anguniarneqartarnissaa.

Imm. 13. Malittarisassani atuuttuni §8 imm. 8.

"Imm. 8: Nuna tamakkerlugu ataatsimeersuarnissaq sivikinnerpaamik qaammatinik pingasunik sioqqullugu sumi qaqugulu ingerlanissaa siulersuisuunerit immikkoortortaqrfinnut allakkatigut nalunaarutigisassavaat. Ilanngullugu immikkoortortaqrfiit, suleqatigiissitat qinikkallu qinnuigineqassapput oqaluuserisassatut siunnersuutinik tunngavilersuutinik ilaqartunik allakkatigut nassiussaqaqqullugit nuna tamakkerlugu ataatsimeersuarnerup pinissaa kingusinnerpaamik sap.ak. arfinillit sioqqullugit."

Allanngortinneqarpoq:

Imm. 13. Nuna tamakkerlugu ataatsimeersuarnissaq sivikinnerpaamik qaammatinik pingasunik sioqqullugu sumi qaqugulu pinissaa siulersuisuunerit immikkoortortaqrfinnut allakkatigut nalunaarutigisassavaat. Ilanngullugu immikkoortortaqrfiit, suleqatigiissitat qinikkallu immikkoortortaqrfiit aqutugalugit qinnuigineqassapput oqaluuserisassatut siunnersuutinik tunngavilersuutinik ilaqartunik allakkatigut nassiussaqaqqullugit, nuna tamakkerlugu ataatsimeersuarnerup pinissaa kingusinnerpaamik sap.ak. arfinillit sioqqullugit.

Nassuiaat:

Ilanngunneqartarpoq tassaavoq siunnersuuteqassatilluni immikkoortortaqrfiit aqutigineqartarnissaat. Immikkoortortaqrfiit siunnersuuteqartussaananerit matumani ersarissarneqarpoq, qinikkallu siunnersuutissaqarunik immikkoortortaqrfitik aqutigissagaat innersuunneqarpoq. Taamaaliornikkut qinikkat immikkoortortaqrfiillu suleqatigiinnerusinnaananerit anguniarneqassasoq siulersuisuunerit isumaqarput.

Imm. 15. Malittarisassani §8 imm. 10:

"Imm. 10: Nuna tamakkerlugu ataatsimeersuarnermi oqaluuserisassatut siunnersuutit, paasissutissat nalinginnaasut aammalu nalunaarusiat inuiaqatigiinnut soqutiginaateqarsinnaasut Inuit Ataqtigii nittartagaatigut saqqummersinneqassapput nuna tamakkerlugu ataatsimeersuarnissap pinissaa kingusinnerpaamik sap.ak. pingasut sioqqullugit."

Allanngortinneqarpoq:

Imm. 15. Nuna tamakkerlugu ataatsimeersuarnermi oqaluuserisassatut siunnersuutit, paasissutissat nalinginnaasut aammalu nalunaarusiat inuiaqatigiinnut soqutiginaateqarsinnaasut Inuit Ataqtigii nittartagaat "Aningaaq" aqutugalugu saqqummersinneqassapput nuna tamakkerlugu ataatsimeersuarnissap pinissaa kingusinnerpaamik sap.ak. pingasut sioqqullugu.

Nassuiaat:

Kattuffiup paasissutissiisarnera attaveqaatit nutaaliaasut atorlugit ingerlanneqarpoq. Pissutsinut naleqqussaanertut nittartagaq "Aningaaq" atorlugu paasissutissiisarneq ingerlanneqassasoq innersuunneqarpoq.

§9 Nuna tamakkerlugu ataatsimeersuarnissap ingerlanneqarnissaa

Imm 2 allanngortinneqarpoq:

1. *Ataatsimeersuarnermi aqutsisussanik qinersineq*
2. *Oqaluuserisassanngortitat akuersissutigineqarnerat*
3. *Imaqarniliortussamik qinersineq*
4. *Taaseqataasinnaasunik aalajangersaaneq*
5. *Oqalugiaatit*
6. *Siulersuisuunerit nalunaarutaat*

7. Siulersuisuunerit nalunaarutaata oqaluuserineqarnera taasissutigineqarneralu
8. Kattuffiup naatsorsuutaasa saqqummiunneqarnerat akuerineqarnerallu
9. Malittarisassanut allannguutissatut siunnersuutit saqqum-miunneqarnerat, oqaluuserineqarnerat akuersissutigineqarnerallu
10. Oqaluuserisassatut siunnersuutit saqqummiunneqarnerat oqaluu-serineqarnerallu, matuma ataani ataatsimeersuarnissap tullia-nut anguniagassatut siunnersuutit
11. Anguniagassanik aalajangersaaneq (§ 1 imm. 3)
12. Ilaasortaanermut akiliutip aalajangersaaffigineqarnera
13. Immikkoortortaqrarfiit akiliutaasa aalajangersaavigineqarnerat
14. Ataatsimiinnermusiap aallajangiiffigineqarnera
15. Siulersuisuunernik qinersineq:
 - 15.1 Siulittaasoq
 - 15.2 Siulittaasup tullia naalakkersuinikkut pissutsinut akisussaasoq
 - 15.3 Siulittaasup tullia ataqatigiissaarisoq
 - 15.4 Aningaaserisoq
 - 15.5 Kommunit sinniisui siulersuisuunernut ilaasortat 5, sinniisuilu tallimat
 - 15.6 Siulersuisuunernut ilaasortat 2, sinniisuilu marluk ilaasortat marluk sinniisuilu marluk
 - 15.7 Inuusuttut Ataqatigiinniit siulersuisuunernut ilaasortat marluk sinniisussalu marluk
16. Ulluinnarni aqutsisunik qinersineq
 - 16.1 Ulluinnarni Aqutsisunut ilaasortaqaq ataaseq sinniisorlu ataaseq
17. Avammut oqaaseqaat
18. Tamalaat"

Nassuiaat:

Siulersuisuunerit aqqissuussaaneqarnerat allanngortinneqarpoq. Siulersuisuunerit kissaatigaat Kattuffiup siunersusuunerillu sulineranni kommuunenut tunngasunik pitsaassuseqarnerusumik sulisoqassasoq. Innersuunneqarpoq kommuunikkaartumik allartitanik siulersuisuunernut qinersisoqartalissasoq.

Siunersusuunerit agguataarnerisa allannguutigissavaat siulersusuunerit allatseqarsimanerat atorunnaarsinneqassammat. Kattuffik allattaaneqarpoq siulersusut ataatsimiinneranni imaqrniliortartussamik.

Allannguutit 11, 12, 13 qinersinikkut aalajangersaavigineqassapput.

Suiusinnerusukkut ataatsimiisitaliakkaarlutik oqaluuserisassat sammineqartarsimasut maanna ataatsimeersuarnermik siunnersuutaasut sammineqartalissapput, taamaasillutik ataatsimeersuarnermi siunnersuutitik saqqummiuttassavaat kingornalu siunnersuutaasut anguniagassatut aalajangiivigineqartassallutik.

Siulersuisuunerit aqqissuussaaneqarnerata nutarterneranut kingunissat:

Kommuunit sinniisui atuutsinneqalerpata kommuunini sinniisuusussatut sassartut immaqaluuniit innersuussutigineqartut ataatsimeersuartut akuersissutigisassavaat. Kommuunit sinniisoqartinneqalerneranut immikkoortortaqrarfiit qinikkallu kommuneqatigiit suleqatigiinnerusinnaaneqarnerat aqqutissiuunniarneqarpoq.

§10 allannguuteqanngilaq

§11 Inuit Ataqatigiit nittartagaat Aningaaq.

"Nittartakkap Aningaap pitsaasumik ingerlaavartumillu, minnerunngitsumillu ullutsinnut naleqquttumik, ingerlanneqarnissaa Ulluinnarni Aqutsisut akisussaaffigaat.

Imm. 2. Nutaarsiasat ukiumut aalajangersimasumik amerlassuseqartut nittartakkakkut saqqummersinneqartarnissaat allattaanerup akisussaaffigaa"

Malittarisassani atuuttuni § 12 atorunnaarsillugu § 11-imut ilassutigineqarpoq

"Kattuffiup nittartagaata Aningaap siunertaraa Inuit Ataqatigiit siunertaasa, anguniagaasa isumaasalu ingerlaavartumik saqqummiuttarnissaat, isumassarsianik isummersuutinillu oqallissaarutissanik tapertalerlugit."

Nassuiaat:

Malittarisassanik pisariilissaaneq aamma nittartakkap aqqa "Aningaaq"-p malittarisassatigut atortuutilerlugulu siunertaata atuutsinnera paragrafimi ataatsimoortinneqalerput.

Malittarisasat 12 aamma 13 allangortinneqarput:

"§11

Inuit Ataqtigiit nittartagaat Aningaaq

Kattuffiup nittartagaata Aningaap siunertaraa Inuit Ataqtigiit siunertaasa, anguniagaasa isumaasalu ingerlaavartumik saqqummiuttarnissaat, isumassarsianik isummersuutinillu oqallissaarutissanik tapertalerlugit.

Nittartakkap Aningaap pitsaasumik ingerlaavartumillu, minnerunngitsumillu ullutsinnut naleqquttumik, ingerlanneqarnissaa Ulluinnarni Aqutisut akisussaaffigaat.

Imm.2. Nutaarsiassat ukiumut aalajangersimasumik amerlassuseqartut nittartakkakut saqqummersinneqartarnissaat allattaanerup akisussaaffigaa.

§12

Malittarisassanik allangortitsineq

Malittarisassanut allanguutissatut siunnersuutit taamaallaat akuerineqarsinnaapput taaseqataasinnaallutik ataatsimeersuartut tamarmiusut 2/3-iisa isumaqtigippatigit.

Imm.2. Nuna tamakkerlugu ataatsimiinnermi, siulersuisut ulluinnarnilu aqutisut siuliisa aalajangigaat, malittarisassallu taakku atuutilerneranni atuuttut, malittarisasat nutaat allangortinneqarnissamik aalajangertoqarnissaata tungaannut atortuutissapput."

Nassuiaat:

Malittarisassat attuuttussanerat qaqagukkullu atortussaalerat §-ni tamani imm. 2-mi ilanngussinikkut ersarissarneqarput.